

| 編號 | 詩名      | 朝代 | 作者  | 詩文                                           | 認證 |
|----|---------|----|-----|----------------------------------------------|----|
| 1  | 江南逢李龜年  | 唐  | 杜甫  | 岐王宅裡尋常見，<br>崔九堂前幾度聞。<br>正是江南好風景，<br>落花時節又逢君。 |    |
| 2  | 滁州西澗    | 唐  | 韋應物 | 獨憐幽草澗邊生，<br>上有黃鸝深樹鳴。<br>春潮帶雨晚來急，<br>野渡無人舟自橫。 |    |
| 3  | 寒食      | 唐  | 韓翃  | 春城無處不飛花，<br>寒食東風御柳斜。<br>日暮漢宮傳蠟燭，<br>輕煙散入五侯家。 |    |
| 4  | 征人怨     | 唐  | 柳中庸 | 歲歲金河復玉關，<br>朝朝馬策與刀環。<br>三春白雪歸青塚，<br>萬里黃河繞黑山。 |    |
| 5  | 夜上受降城聞笛 | 唐  | 李益  | 回樂峰前沙似雪，<br>受降城外月如霜。<br>不知何處吹蘆管，<br>一夜征人盡望鄉。 |    |
| 6  | 烏衣巷     | 唐  | 劉禹錫 | 朱雀橋邊野草花，<br>烏衣巷口夕陽斜。<br>舊時王謝堂前燕，<br>飛入尋常百姓家。 |    |
| 7  | 集靈臺     | 唐  | 張祜  | 日光斜照集靈臺，<br>紅樹花迎曉露開。<br>昨夜上皇新受籙，<br>太真含笑入簾來。 |    |
| 8  | 題金陵渡    | 唐  | 張祜  | 金陵津渡小山樓，<br>一宿行人自可愁。<br>潮落夜江斜月裡，<br>兩三星火是瓜州。 |    |

|    |                      |   |     |                                              |  |
|----|----------------------|---|-----|----------------------------------------------|--|
| 9  | 將赴<br>吳興<br>登<br>樂遊原 | 唐 | 杜牧  | 清時有味是無能，<br>閒愛孤雲靜愛僧。<br>欲把一麾江海去，<br>樂遊原上望昭陵。 |  |
| 10 | 問<br>劉十九             | 唐 | 白居易 | 綠蟻新醅酒，<br>紅泥小火爐。<br>晚來天欲雪，<br>能飲一杯無？         |  |
| 11 | 何滿子                  | 唐 | 張祜  | 故國三千里，深宮二十年。<br>一聲何滿子，雙淚落君前。                 |  |
| 12 | 渡漢江                  | 唐 | 李頻  | 嶺外音書絕，經冬復歷春。<br>近鄉情更怯，不敢問來人。                 |  |
| 13 | 渭城曲                  | 唐 | 王維  | 渭城朝雨浥輕塵，<br>客舍青青柳色新。<br>勸君更盡一杯酒，<br>西出陽關無故人。 |  |
| 14 | 哥舒歌                  | 唐 | 西鄙人 | 北斗七星高，哥舒夜帶刀。<br>至今窺牧馬，不敢過臨洮。                 |  |
| 15 | 登幽州臺歌                | 唐 | 陳子昂 | 前不見古人，<br>後不見來者，<br>念天地之悠悠，<br>獨愴然而涕下。       |  |
| 16 | 遣懷                   | 唐 | 杜牧  | 落魄江湖載酒行，<br>楚腰纖細掌中輕。<br>十年一覺揚州夢，<br>贏得青樓薄倖名。 |  |
| 17 | 秋夕                   | 唐 | 杜牧  | 銀燭秋光冷畫屏，<br>輕羅小扇撲流螢。<br>天階夜色涼如水，<br>坐看牽牛織女星。 |  |